



Fotlandsvåg skule
5283 Fotlandsvåg
Rektor Kjell Haugland 56 19 23 55
Personalrom 56 19 23 33
fotlandsvag.skule@osteroy.kommune.no
SFO-leiar: Ina Nilsen (vikar). SFO: 40912117



Referat frå møte i samarbeidsutvalet ved Fotlandsvåg skule 11.11.20 kl. 18.00.

Til stades :

Anders Troye frå FAU (Leiar SU), Baste Neu Hatland (lærer skulen), Kjell Haugland (rektor rep. Kommunen/skulen), Bjørn Tore Sund (politikar venstre), Cecilie Nordås (rep.andre tilsette).

Leiar i elevråd (elev 7.kl.) og nestleiar(elev 7.kl.) i elevråd har eige møte på skulen og gir eige uttale.

Sak 1-20.

Uttale i samband med høyring vedkommande omgjerung av barnehagar og skular til oppvekststun i samband med budsjett 2021.

SU Fotlandsvåg skule ser at det er stort engasjement rundt saka i bygda, i bygdanytt og på sosiale medier. SU er kjent med at FAU, grendaråd, Liv og Lyst og personalet ved Fotlandsvåg skule vil gi svar på høyringa. SU Fotlandsvåg skule gir sin fulle støtte til dei innspelane som er vorte presentert i dei ulike fora.

SU vil likevel komme med følgjande innspel til høyringa som rådmannen har sendt ut :

1. SU Fotlandsvåg skule meiner kostnadane til skuleskyss i samband med forslaget er undervurdert og for lavt. «Utvandringa» som forslaget vil føre til vil sende elevar frå Haus og Fotlandsvåg i alle retningar på Osterøy. Dei vil velje privatskular på Hamre, Hjellvik og Hosanger. Dei færreste vil til Lonevåg. Nokon vil også velja Valestrand skule. Kommunen må ordne skyss for desse elevane om dei vel taxi (ca. kr. 1000 pr. dag pr. elev.) eller buss.
2. SU Fotlandsvåg skule er einig om at alt tyder på at forslaget frå rådmannen vil føra til **større utgifter for kommunen**. Dei fleste foreldre som FAU har snakka med seier at dei vil gå til private skular om forslaget vert vedtatt. For kvar elev som går frå offentleg skule til privat, vil føra til redusert rammetilskot på ca. kr. 100 000 pr elev + skyss, + eventuell spesped. + helsesjukepleiar..... I tillegg vil auka belastning på dei kommunale tilboda som dei private skulane benyttar eks, svømmetid på OUS, bibliotek/bibliotekbuss, helsesjukepleiar og andre tenester, føra til at den offentlege skulen får redusert sine tilbod tilsvarande. Dette skjer i dag.
3. SU Fotlandsvåg skule er opptatt av at dei 6,5 mill. som vart bevilga frå regjeringa no i november er tenkt å verta nytta i skulen og barnehage, sjølv om det er frie midlar.
4. SU Fotlandsvåg skule meiner at kvar skule i dialog med skuleleiinga, vil finne dei innsparingane som er nødvendig for å saldera budsjettet utan at forslaget vert gjennomført.

5. SU Fotlandsvåg skule meiner at alle skulane på Osterøy må dela på innsparingane som er nødvendig i skulen. Her viser vi til rapporten frå Telemarkforskninga som i konklusjon om ressursbruk på kvar skule seier følgjande :
- Om Valestrand skule som nyttar 3,6 årsverk meir enn samanliknande skular til ordinær undervisning.
 - Om Haus skule som nyttar 1 årsverk meir enn samanliknande skular til ordinær undervisning.
 - Om Lonevåg skule som nyttar 1,2 årsverk meir enn samanliknande skular til ordinær undervisning.
 - Om Fotlandsvåg som nyttar 1 årsverk meir enn samanliknande skular til ordinær undervisning.
6. SU Fotlandsvåg skule meiner at forslaget ikkje er barnets beste. Forslaget fører til splitta søsken og vil føre til psykososiale konsekvensar som også har ein økonomisk kostnad.
7. SU Fotlandsvåg oppfordrar politikarane til å sjå grundig på dei svara på høyringa som kjem inn. Det er gode og gjennomtenkte innspel.

Referent
–rektor–